



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-911/10
Sarajevo, 14.7.2010. godine

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 128. sjednici održanoj 14.7.2010. godine, utvrdilo je Odgovor na zastupničko pitanje koje je postavio gosp. Rifat Dolić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša

01-50-1
15-07-2010

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: *N.07.2010*

Organizaciona jedinica	Administrativna jedinica	Redni broj	Broj priloga
		<i>01-50-1-15-73</i>	<i>10</i>



**BOSNA I HERCEGOVINA
VIJEĆE MINISTARA**

Broj: 05-50-1-911/10
Sarajevo, 14.7.2010. godine

Rifat Dolić, poslanik u Predstavničkom domu Parlamentarne skupštine Bosne i Hercegovine, na 73. sjednici Predstavničkog doma održanoj 10.03.2010. godine, postavio je sljedeće poslaničko pitanje:

"Šta Vijeće ministara poduzima ili namjerava poduzimati naspram poteza koje je Vlada Republike Slovenije poduzela i dalje poduzima prema državljanima BiH koji u Republici Sloveniji imaju privremeni ili stalni boravak i radne dozvole i trenutno imaju ili su donedavno bili zaposleni?"

Na postavljeno pitanje, Vijeće ministara Bosne i Hercegovine je na 128. sjednici održanoj 14. 7. 2010. godine utvrdilo slijedeći

ODGOVOR

1. U cilju potpunog sagledavanja trenutne situacije na tržištu rada u Republici Sloveniji, smatramo nužnim obavijestiti da je krajem aprila 2010. godine, na evidencijama nezaposlenih građana Slovenije bilo registrovano 99.316 lica, što predstavlja povećanje od 0,4 posto u odnosu na mart 2010. godine i 19,9 posto u odnosu na april 2009. godine. Usljed porasta nezaposlenosti i u cilju sprečavanja sve prisutnijeg problema zloupotrebe radnih dozvola, Vlada Republike Slovenije je donijela Uredbu o ograničenjima i zabranama zapošljavanja i angažovanja stranaca. Predmetnom Uredbom smanjuje se broj radnih dozvola za 2010. godinu, sprečava se zapošljavanje na tržištu rada bez kontrole, te zabranjuje izdavanje novih radnih dozvola poslodavcima koji, na osnovu prethodno izdatih dozvola za rad, u roku od četiri mjeseca, angažovane strance nisu prijavili na socijalno osiguranje.

Nakon primitka pomenute informacije, Ambasada BiH u Ljubljani je promptno održala sastanak sa predstavnicima Zavoda za zapošljavanje Republike Slovenije i dobila informaciju da se ograničenje kvota radnih dozvola neće primjenjivati na radnike iz Bosne i Hercegovine tim prije što je u toku postupak zaključivanja **Sporazuma između Vijeća ministara Bosne i Hercegovine i Vlade Republike Slovenije o zapošljavanju državljana Bosne i Hercegovine u Republici Sloveniji** (prva runda pregovora između delegacija Bosne i Hercegovine i Republike Slovenije je održana u Sarajevu 12. i 13. aprila 2010. godine).

Pored toga, Ambasada redovno poduzima aktivnosti na zaštiti radnih prava građana BiH koji su angažovani od strane privatnih poslodavaca u Republici Sloveniji. U tom smislu, smatramo važnim istaći slučaj radnika Građevinskog preduzeća „Prenova“ iz Kočevja kojima su nakon

posredovanja Ambasade, nadležni organi Republike Slovenije regulisali status i omogućili radni angažman kod drugog poslodavca.

2. Tokom primjene **Sporazuma o socijalnom osiguranju između Bosne i Hercegovine i Republike Slovenije**, zaključenog 19. 02. 2007. godine i ratifikovanog 20. 09. 2007. godine (Službeni glasnik BiH - Međunarodni ugovori", broj 8/07), uočene su poteškoće u pogledu primjene određenih članova, te je slovenačka strana pokrenula postupak za izmjene i dopune istog. Ministarstvo civilnih poslova Bosne i Hercegovine je nakon pribavljanja potrebne saglasnosti nadležnih institucija entiteta i Brčko distrikta BiH, kao i provođenja unutrašnje procedure, Vijeću ministara BiH uputilo Prijedlog osnova za vođenje pregovora za zaključivanje Sporazuma o izmjeni Sporazuma o socijalnom osiguranju između Bosne i Hercegovine i Republike Slovenije. Vijeće ministara je na 120. sjednici održanoj 29.04.2010. godine utvrdilo ovaj prijedlog i dostavilo ga Predsjedništvu BiH koje je na 72. redovnoj sjednici donijelo odluku o pokretanju postupka za vođenje pregovora radi zaključivanja Sporazuma o izmjeni Sporazuma o socijalnom osiguranju između Bosne i Hercegovine i Republike Slovenije. Trenutno je u toku dogovaranje sa slovenačkom stranom oko zakazivanja pregovora, a prema informacijama kojima raspolažemo u toku je postupak pred Vladom Republike Slovenije u vezi sa izmjenom ovog Sporazuma.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1181/10
Sarajevo, 3.6.2010. godine

01-50-1

04-06-2010

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.06.2010

Organizaciona jedinica	Klasifikaciona oznaka	Redni broj	Broj priloga
01-50-1-1181/10			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 123. sjednici održanoj 3.6.2010. godine, utvrdilo je Odgovor na zastupničko pitanje koje je postavio gosp. Rifat Dolić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1181/10
Sarajevo, 3.6.2010. godine

RIFAT DOLIĆ, poslanik u Predstavničkom domu Parlamentarne skupštine Bosne i Hercegovine, na **74.sjednici** Predstavničkog doma Parlamentarne skupštine BiH održanoj **24.03.2010.godine**, postavio je sljedeće poslaničko pitanje:

„Koliko je pripadnika srpskog naroda i pripadnika nacionalnih manjina trenutno zaposleno u policiji Federacije BiH, brojem i procentom? Koliko je u posljednje dvije godine napustilo policiju Federacije i šta su razlozi za napuštanje? Koliko je Bošnjaka- Muslimana, Hrvata i pripadnika nacionalnih manjina trenutno uposleno u policiji RS, brojem i procentom? Koliko ih je u posljednje dvije godine napustilo policiju RS-a i šta su razlozi za napuštanje.“

Na postavljeno pitanje, Vijeće ministara Bosne i Hercegovine je na 123. sjednici održanoj 3.6.2010. godine, utvrdilo sljedeći

ODGOVOR

Ministarstvo sigurnosti Bosne i Hercegovine je od **Ministarstva unutrašnjih poslova Federacije Bosne i Hercegovine** dobilo sljedeći odgovor koji u cjelosti prenosimo:

„Podaci o broju policijskih službenika srpske nacionalnosti i pripadnika nacionalnih manjina / ostalih, zaposlenih u policiji Federacije Bosne i Hercegovine sačinjeni su na osnovu podataka dostavljenih iz kantonalnih ministarstava unutrašnjih poslova.

Prema tim podacima na području Federacije Bosne i Hercegovine, u mjesecu aprilu 2010. godine, u policiji je ukupno zaposleno **711** policijskih službenika **srpske nacionalnosti** i **241** policijski službenik pripadnik **ostalih / nacionalnih manjina**.

Tokom 2008. i 2009.godine službu je napustio 31 policijski službenik srpske nacionalnosti, a u većini slučajeva se radilo o odlasku u penziju ili sporazumni raskid radnog odnosa radi odlaska na druge poslove.

U navedenom periodu 9 policijskih službenika pripadnika ostalih / nacionalnih manjina, je napustilo službu radi odlaska u penziju ili uz sporazumni raskid radnog odnosa.

U prilogu je tabelarni pregled stanja zaposlenih policijskih službenika po navedenoj nacionalnoj strukturi u kantonalnim ministarstvima unutrašnjih poslova i Federalnoj upravi policije Federalnog ministarstva unutrašnjih poslova.“

**Broj policijskih službenika srpske nacionalnosti i pripadnika nacionalnih manjina / ostali, zaposleni u policiji
Federacije BiH - stanje sa 28.04.2010.godine**

Naziv	Policijski službenici srpske nacionalnosti				Policijski službenici pripadnici nacionalnih manjina / ostali			
	Broj zaposlenih sa 28.04.2010. godine	Procenat u odnosu na ukupan broj policijskih službenika	Napustili policiju u 2008. i 2009. godini	Razlog	Broj zaposlenih sa 28.04.2010. godine	Procenat u odnosu na ukupan broj policijskih službenika	Napustili policiju u 2008. i 2009. godini	Razlog
MUP Unsko-sanskog kantona	86	9,9%	1	odlazak u penziju	nema uposlenih	/	/	/
MUP Posavskog kantona	19	10,8%	1	odlazak u penziju	nema podataka	/	/	/
MUP Tuzlanskog kantona	120	7,91%	4	1 kazna zatvora 1 penzija 1 po sili zakona 1 sporazumni prekid	47	3,09%	2	1 penzionisanje 1 sporazumni prekid
MUP Zeničko-dobojskog kantona	73	6,82%	6	odlasci u penziju ili sporazumni raskid	44	4,11%	6	odlasci u penziju ili sporazumni raskid
MUP Bosanskohercegovačkog kantona	26	14,77%	nije bilo napuštanja		nema uposlenih	/	/	/
MUP Srednjobosanskog kantona	55	%	6	prelazak na policijske poslove u druga kantonalna MUP-a	9		1	prelazak na policijske poslove u druga kantonalna MUP-a
MUP Hercegovačko-neretvanskog kantona	81	9,06%	nije bilo napuštanja	/	13	1,45%	nema podataka	/
MUP Zapadnohercegovačkog kantona	nema zaposlenih	0	0	0	3 *	1,10%	/	/
MUP Kantona Sarajevo	142	10,45%	6	samovoljni otkaz	101	7,43%	1	odlazak u penziju
MUP Kantona 10 - Livno	57	16,81%	3	2 starosna mirovina 1 smrtni slučaj	nema podataka	/	/	/
FUP	52	7,23%	4	2 sporazumni raskid 2 penzionisanje	27	3,76%	nije bilo napuštanja	/
Federacija BiH - ukupno	711		31		241		9	

* radi se o tri policijska službenika bošnjačke nacionalnosti

MUP Republike Srpske je dostavio sljedeći odgovor:

Na dan 15.04.2010. godine MUP Republike Srpske imao je 6927 zaposlenih od kojih su 6373 ili 92% Srbi, 437 ili 6,31% Bošnjaci, 73 ili 1,06% Hrvati i 44 ili 0,63% ostali.

Od 01.01.2008. do 15.04.2010. godine prestanak radnog odnosa imao je ukupno 491 zaposleni od toga 404 ili 82,28% Srba, 79 ili 16,10% Bošnjaka, 4 ili 0,81% Hrvata i 4 ili 0,81% ostalih iz sljedećih razloga:

- voljom državnog službenika -15 (14 Srba i 1 ostalih);
- voljom namještenika - 4 (4 Srbina);
- disciplinska mjera prestanak radnog odnosa - 15 (12 Srba i 3 Bošnjaka);
- istekom rada na određeno vrijeme -11 (11 Srba);
- na osnovu odluke Suda - 1 (1 Srbin);
- oduzimanje certifikata -2 (2 Srbina);
- otkaz od strane MUP-a- višak - 1 (1 Srbin);
- ostalo - 1 (1 Srbin);
- otkaz od strane MUP-a - 3 (3 Srbina);
- invalidska penzija - 38 (38 Srba);
- starosna penzija - 157 (148 Srba, 3 Bošnjaka, 4 Hrvata i 2 ostali);
- prestanak-pripravnici-višak -3 (3 Srbina);
- prestanak- pripravnici sufinansiranje -36 (36 Srba);
- smrt radnika -25 (23 Srbina i 2 Bošnjaka);
- sporazum o preuzimanju -28 (27 Srba i 1 Bošnjak);
- sporazumni prestanak -151 (80 Srba, 70 Bošnjaka i 1 ostali).